

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство просторног  
уређења, грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05-04-37535-7/20 III MG  
Sarajevo, 19.10.2020. godine

**KANTON SARAJEVO**  
**SKUPŠTINA KANTONA SARAJEVO**  
n/r Predsjedavajućeg Skupštine

**PREDMET:** Odgovor na zastupničko pitanje zastupnice Danijele Kristić

Zastupnica Danijela Kristić, u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo” br. 41/12 – drugi novi prečišćeni tekst, 15/13, 47/13, 47/15, 48/16, 9/20 i 14/20) na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda „Poslanička/zastupnička pitanja, inicijative i odgovori”, uputila je Vladi Kantona Sarajevo, Ministarstvu komunalne privrede i infrastrukture i KJKP „Rad” d.o.o. Sarajevo zastupničko pitanje vezano za kontrolu radioaktivnosti na deponiji Smiljevići.

Ministarstvo komunalne prirede i infrastrukture je 12.10.2020. godine dostavilo predmetno zastupničko pitanje Ministarstvu prostornog uređenja, građenja i zaštite okoliša, te zatražilo da ovo Ministarstvo dostavi odgovor zastupnici i ostalim zastupnicima u Skupštini Kantona Sarajevo.

**PITANJE:**

„Da li se svaki otpad koji se odlaže na deponiji Smiljevići kontroliše na radioaktivnost?  
Da li su se i neaktivne plohe na deponiji ikada kontrolisale na radioaktivnost?”



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1



## ODGOVOR:

Sanitarna deponija u okviru Regionalnog centra za upravljanje otpadom (RCUO) Smiljevići je namijenjena za odlaganje komunalnog otpada, koji po svom sastavu i osobinama ne predstavlja opasnost za pojavu jonizirajućeg zračenja. Mogućnost pojave radioaktivnog otpada je više vezana za metalni otpad, odnosno za operatore koji na području Kantona Sarajevo prikupljaju otpadne metale.

Bez obzira na to što postoji mala vjerovatnoća, ipak ne treba isključiti mogućnost da se radioaktivni otpad pojavi u otpadu koji se dovozi na deponiju Smiljevići. Iz tog razloga, obaveza da KJKP „Rad” na lokaciji RCUO Smiljevići redovno vrši ispitivanje na prisustvo radioaktivnosti, te u slučaju pojave radioaktivnog otpada obavijesti Državnu regulatornu agenciju za radijacijsku i nuklearnu sigurnost, definisana je članom 4.5.3. Rješenja ovog Ministarstva o izdavanju dozvole za upravljanje otpadom izdate KJKP „Rad”-u za Regionalni centar za upravljanje otpadom Smiljevići broj 05-23-6339/19 od 12.06.2020.godine. Ista obaveza je bila i u prethodnoj dozvoli za upravljanje otpadom.


Rješenjem je, takođe, obavezan KJKP „Rad” da jednom godišnje obavještava Ministarstvo prostornog uređenja, građenja i zaštite okoliša o ispunjenju uvjeta iz dozvole za upravljanje otpadom, u skladu sa Uredbom o obavezi dostavljanja godišnjeg izvještaja o ispunjenju uvjeta iz dozvole za upravljanje otpadom („Službene novine Federacije BiH” broj 31/06).

Prema dosad zaprimljenim izvještajima, na RCUO Smiljevići nije zabilježena povećana radioaktivnost. Takođe, prema informaciji dobijenoj od KJKP „Rad”, izvršena su kontrolna mjerenja aktivnih i neaktivnih ploha, kao i svih objekata i sadržaja u okviru lokacije RCUO Smiljevići i tom prilikom nisu registrovane prekomjerne vrijednosti jonizirajućeg zračenja.



Dostaviti:

- Predsjedavajući Skupštine Kantona Sarajevo
- Služba za skupštinske poslove
- Stručna služba Vlade Kantona Sarajevo
- Sekretar Vlade Kantona Sarajevo
- Ministarstvo komunalne privrede i infrastrukture Kantona Sarajevo
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

